

դումը և դարմանանոցը: Չըպէտք է մոռանալ, որ բոլոր գիւղերի տները սենեակներն իրենց թոնիրներն ունեն, որոնցից մէկն ամեն օր վառւում է:

Սենեակը (օդայ: Փէրիայում գիւղացիները բնակւում են ընդհանրապէս մութ սենեակներում, որոնց 3—4 արշինաչափ պատերը շինւած են ցիխից, իսկ առաստաղը կաղմւում է միմեանց մօտ ձգւած գերաններից, որոնց վրայ ճիւղեր և մանր տախտակներ փռելուց յետոյ, $\frac{1}{4}$ գազաչափ հողով ծածկում և յարգախառն ցեխով ծեփում են: Առաստաղն ամրանում է պատերի և մի կամ երկու կարգ շարւած հաստ սիւնների վրայ:

Ընդհանրապէս սենեակները քառակուսի են և կամ երկարաձև, այսինքն երկու պատը երկայն՝ և երկուսը կարճ, մէկ կարճ պատի մէջ բացւում է դուռը, որից քիչ հեռու շինւում է բուխարին կամ օջախը, վառարանի տեղ ծառայելու համար. երբեմն սենեակի դրսի դռան աջ կամ ձախ կողմը յարգախառն ցեխից շաղախւած թախտաձև մի «սաքու» է շինւում, որն ամարանոցի տեղ է ծառայում:

Սենեակի մէջտեղում դրւած թոնրից բարձրացող ծուխը դուրս է գալիս առաստաղի մէջտեղ կամ կողքին բացւած կլոր կամ քառակուսի ծակից. սենեակը բացի երթևեկելու դռնից, ուրիշ որևէ լուսամուտ չունի, այլ դրա փոխարէն կայ երդքի ծակը, որտեղից լոյսը թափանցում է ներս և լուսաւորում մութ սենեակը:

Սենեակներից մինը յատկացրւած է ընդունարանի (հիւրասենեակ), որի յատակը ծածկւած է մի քանի կտոր գորգով կամ թաղիքով. պատի տակ դրւած է ծածկոցով փաթեթւած անկողինն իր պարագաներով, մի անկիւնում բազմած է դէլանը՝ իր սարք ու կարգով, իսկ դռնակում գլտնւում է ձիթի ճրագը, որ լիշեցնում է նահապետական շրջանը:

Մի այլ սենեակում զետեղւած են տան բոլոր պարագաները. այդպիսի սենեակի պատերի մէկի դիմաց Դու կը